



**Cofnodion Cyfarfod Arbennig o  
Gydbwyllgor PGIAC a gynhaliwyd yn gyhoeddus  
Ddydd Mawrth 10 Ionawr 2023  
drwy MS Teams**

**Aelodau'n bresennol:**

|                   |      |                                                                                                          |
|-------------------|------|----------------------------------------------------------------------------------------------------------|
| Kate Eden         | (KE) | Cadeirydd                                                                                                |
| Sian Lewis        | (SL) | Rheolwr Gyfarwyddwr, PGIAC                                                                               |
| Carole Bell       | (CB) | Cyfarwyddwr Nyrsio a Sicrhau Ansawdd, PGIAC                                                              |
| Stuart Davies     | (SD) | Cyfarwyddwr Cyllid, PGIAC                                                                                |
| Iolo Doull        | (ID) | Cyfarwyddwr Meddygol, PGIAC                                                                              |
| Jacqui Evans      | (JE) | Ysgrifennydd y Pwyllgor a Chyfarwyddwr Cyswllt<br>Gwasanaethau Corfforaethol, PGIAC                      |
| Mark Hackett      | (MH) | Prif Swyddog Gweithredol, BIP Bae Abertawe                                                               |
| Gill Harris       | (GH) | Dirprwy Brif Weithredwr/Cyfarwyddwr Gweithredol<br>Gwasanaethau Clinigol Integredig, BIP Betsi Cadwaladr |
| Nicola Johnson    | (NJ) | Cyfarwyddwr Cynllunio, PGIAC                                                                             |
| Paul Mears        | (PM) | Prif Swyddog Gweithredol, BIP Cwm Taf Morgannwg                                                          |
| Steve Moore       | (SM) | Prif Swyddog Gweithredol, BIP Hywel Dda,                                                                 |
| Nicola Prygodzicz | (NP) | Prif Swyddog Gweithredol, BIP Aneurin Bevan                                                              |
| Suzanne Rankin    | (SR) | Prif Swyddog Gweithredol, BIP Caerdydd a'r Fro                                                           |
| David Roberts     | (DR) | Cyfarwyddwr Iechyd Meddwl a Grwpiau Agored i Niwed                                                       |
| Carol Shillabeer  | (CS) | Prif Swyddog Gweithredol, Bwrdd Iechyd Addysgu Powys                                                     |
| Steve Spill       | (SS) | Aelod Annibynnol PGIAC, Cadeirydd Arweiniol Archwilio a<br>Chyllid, BIP Bae Abertawe                     |

**Ymddiheuriadau:**

|               |       |                                                    |
|---------------|-------|----------------------------------------------------|
| Chantal Patel | (ChP) | Aelod Annibynnol, Bwrdd Iechyd Prifysgol Hywel Dda |
| Ceri Phillips | (CP)  | Aelod Annibynnol, BIP Caerdydd a'r Fro             |
| Ian Phillips  | (IP)  | Cadeirydd Annibynnol Rhwydwaith Arennau Cymru      |

**Eraill yn bresennol:**

|                |      |                                                                                                 |
|----------------|------|-------------------------------------------------------------------------------------------------|
| Claire Harding | (CH) | Cyfarwyddwr Cynorthwyol Cynllunio, PGIAC                                                        |
| Emma King      | (EK) | Uwch Reolwr Cynllunio Gwasanaethau Arbenigol ar gyfer<br>Iechyd Meddwl a Grwpiau Agored i Niwed |
| Helen Tyler    | (HE) | Rheolwr Llywodraethu Corfforaethol, PGIAC                                                       |
| Nick Wood      | (NW) | Dirprwy Brif Weithredwr GIG Cymru, Llywodraeth                                                  |

## Cofnodion:

Gemma Trigg

(GT) Swyddog Llywodraethu Corfforaethol, PGIAC

Dechreuodd y cyfarfod am 13:30 o'r gloch

| Cyf y Cofnod | Eitem ar yr agenda                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                        |
|--------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| JC23/01      | <p><b>1.1 Croeso a Chyflwyniadau</b></p> <p>Croesawodd y Cadeirydd yr aelodau i'r cyfarfod yn Gymraeg ac yn Saesneg ac atgoffodd hwy y bydd cyfarfodydd yn parhau i gael eu cynnal yn rhithiol drwy MS Teams.</p> <p>Nid oedd unrhyw wrthwynebiad i'r cyfarfod gael ei recordio at ddibenion gweinyddol. Nodwyd bod cworwm wedi'i gyflawni.</p> <p>Croesawodd y Cadeirydd yr Aelodau a chyflwynodd Steve Spill fel yr Aelod Annibynnol newydd ar gyfer Cyllid ac Archwilio i'r cyfarfod.</p>                                                                                                                                                                                                                                                                                                                                                                                                                                                                                                              |
| JC23/02      | <p><b>1.2 Ymddiheuriadau am Absenoldeb</b></p> <p>Nodwyd ymddiheuriadau am absenoldeb fel yr uchod.</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                   |
| JC23/03      | <p><b>1.3 Datganiadau o Fuddiannau</b></p> <p>Nododd y Cydbwyllgor y datganiadau presennol ac nad oedd unrhyw ddatganiadau o fuddiannau ychwanegol yn ymwneud â'r eitemau oedd i'w trafod ar yr agenda.</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                               |
| JC23/04      | <p><b>2.1 Un Comisiynydd ar gyfer y Cynnig Iechyd Meddwl Diogel Derbyniwyd</b> yr adroddiad sy'n cyflwyno'r adborth a dderbyniwyd gan y Byrddau Iechyd ar yr asesiad o'r opsiynau ar gyfer un sefydliad cenedlaethol i gomisiynu gwasanaethau iechyd meddwl diogel integredig i Gymru ac i ofyn am gefnogaeth ar gyfer rhoi'r camau gweithredu a argymhellir i Lywodraeth Cymru (LIC) er mwyn cael un comisiynydd ar gyfer gwasanaethau iechyd meddwl diogel yng Nghymru.</p> <p>Cyflwynodd y Cadeirydd yr adroddiad ac atgoffodd yr Aelodau eu bod wedi derbyn fersiwn flaenorol o'r adroddiad ym mis Tachwedd 2022 a bod yr adroddiad a oedd yn cael ei gyflwyno yn rhoi diweddariad ar gynnydd.</p> <p>Darparodd David Roberts (DR) grynodedb a nododd yr aelodau:</p> <ul style="list-style-type: none"> <li>yr adborth a dderbyniwyd gan y saith Bwrdd Iechyd ar yr asesiad opsiynau ar gyfer un sefydliad cenedlaethol i gomisiynu Gwasanaethau Iechyd Meddwl integredig diogel i Gymru,</li> </ul> |



|         |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
|---------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|         | <ul style="list-style-type: none"><li>Nad oedd un o'r saith Bwrdd Iechyd yn cefnogi'r cynnig i PGIAC fod yn Gomisiynydd Unigol ar gyfer Gwasanaethau Iechyd Meddwl Diogel gan nad oedd yn cefnogi'r egwyddor y dylid cael un comisiynydd ar gyfer y gwasanaethau hyn ac roedd Bwrdd Iechyd Prifysgol Aneurin Bevan (BIPAB) wedi ysgrifennu at Lywodraeth Cymru i amlinellu eu pryderon.</li><li>Roedd yr heriau allweddol a godwyd gan y Byrddau Iechyd yn cynnwys prosesau a gweithdrefnau, eglurder ynghylch cyfrifoldebau Sefydliadau, gwneud penderfyniadau ac atebolrwydd, sicrwydd o ran perthnasoedd â gwasanaethau lleol a sicrhau bod arbenigedd yn cael ei gadw, ystyriaeth o ddull "cydweithrediad darparwyr", a chyfraniadau ariannol.</li></ul> <p>Dywedodd Nicola Prygodzicz (NP) y byddai BIPAB yn cyfarfod â'i thîm i drafod y cynnig eto gan gydnabod bod yr argymhelliaid i'w gyflwyno i Lywodraeth Cymru.</p> <p>Penderfynodd yr aelodau:</p> <ul style="list-style-type: none"><li><b>Nodi'r</b> adroddiad,</li><li><b>Nodi'r</b> adborth a dderbyniwyd gan y saith Bwrdd Iechyd ar yr asesiad opsiynau a ddosbarthwyd gan dîm PGIAC,</li><li><b>Nodi</b> bod chwech o'r saith Bwrdd Iechyd wedi cefnogi PGIAC fel y comisiynydd unigol gydag un Bwrdd Iechyd yn codi pryderon ynghylch yr angen am un comisiynydd,</li><li><b>Nodi</b> bod adborth yn pwysleisio nifer o faterion y byddai angen mynd i'r afael â nhw er mwyn sicrhau bod y newid yn cael ei weithredu'n llwyddiannus; a</li><li><b>Chefnogi'r</b> argymhellion canlynol wrth symud ymlaen i Lywodraeth Cymru:<ul style="list-style-type: none"><li>Y dylai gwasanaethau iechyd meddwl diogel yng Nghymru gael eu comisiynu gan PGIAC,</li><li>Y dylid sefydlu rhaglen waith genedlaethol, gan gynnwys cynrychiolwyr o Lywodraeth Cymru, PGIAC a phob un o'r saith Bwrdd Iechyd (BI) i reoli'r broses o drosglwyddo'r gwaith o gomisiynu gwasanaethau diogelwch isel; a</li><li>Bod angen gwneud mwy o waith manwl i ddiffinio'r amserlenni priodol ond bod y rhaglen waith yn annhebygol o gael ei chwblhau cyn Ebrill 2024 ar y cynharaf.</li></ul></li></ul> |
| JC23/05 | <p><b>2.2 Trefniadau Llywodraethu Pwyllgor PGIAC Archwilio Cymru – Diweddariad</b></p> <p><b>Derbyniwyd</b> yr adroddiad yn rhoi diweddariad ar gynnydd yn erbyn yr argymhellion a amlinellwyd yn adroddiad Trefniadau Llywodraethu Pwyllgor PGIAC Archwilio Cymru.</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |



|         |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |
|---------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|         | <p>Dyweddodd Jacqui Evans (JE) fod y rhan fwyaf o'r camau gweithredu sy'n ymwneud â PGIAC wedi'u cwblhau ac mai dim ond dau faes o gydymffurfiaeth rannol sy'n weddill o ran y camau gweithredu sy'n ymwneud ag R3b yn penodi Cyfarwyddwr Meddygol Cynorthwyol ac R4a a datblygu Strategaeth Gwasanaethau Arbenigol newydd.</p> <p>Nododd yr aelodau fod argymhellion 6 a 7 yn ymwneud â LIC wedi'u categorioedd fel rhai wedi'u cwblhau'n rhannol gan fod Archwilydd Cyffredinol Cymru wedi nodi ei bod yn gynamserol ystyried yr argymhellion fel rhai sydd wedi'u cau a rhoddodd gyfarwyddyd yr hoffent eu cadw'n agored a derbyn ddiweddariad gan Lywodraeth Cymru mewn chwe mis ar ôl cyflwyno corff gweithredol newydd GIG Cymru.</p> <p>Nododd yr aelodau fod Archwilio Cymru wedi cadarnhau eu bod yn fodlon i'r Cydbwyllgor dderbyn diweddariad ar gynnydd ac y bydd diweddariad ychwanegol yn cael ei roi ym mis Mai 2023, wedi hynny bydd diweddariad yn cael ei gyflwyno i Archwilio Cymru ac i Bwyllgorau Archwilio'r Byrddau Iechyd ar gyfer sicrwydd ym mis Gorffennaf. 2023. Bydd hyn yn sicrhau bod holl gyrff y GIG yn gallu cadw golwg ar y cynnydd sy'n cael ei wneud, gan nodi statws PGIAC fel Cydbwyllgor o bob Bwrdd Iechyd yng Nghymru.</p> <p>Penderfynodd yr aelodau:</p> <ul style="list-style-type: none"><li>• <b>Nodi'r</b> adroddiad,</li><li>• <b>Nodi'r</b> cynnydd a wnaed yn erbyn ymatebion rheolwyr PGIAC i argymhellion Archwilio Cymru a amlinellwyd yn adroddiad Trefniadau Llywodraethu Pwyllgor PGIAC,</li><li>• <b>Nodi'r</b> cynnydd a wnaed yn erbyn ymatebion Llywodraeth Cymru i argymhellion Archwilio Cymru a amlinellwyd yn adroddiad Trefniadau Llywodraethu Pwyllgor PGIAC; a</li><li>• <b>Nodi</b> y bydd diweddariad pellach ar gynnydd yn cael ei gyflwyno i gyfarfod y Cydbwyllgor ym mis Mai 2023; wedi hynny bydd diweddariad yn cael ei gyflwyno i Archwilio Cymru ac i Bwyllgorau Archwilio'r Byrddau Iechyd ar gyfer sicrwydd ym mis Mehefin/Gorffennaf 2023.</li></ul> |
| JC23/06 | <p><b>2.2 Parodrwydd ar gyfer Ymchwiliad Cyhoeddus COVID-19</b></p> <p><b>Derbyniwyd</b> yr adroddiad yn rhoi diweddariad ar barodrwydd PGIAC ar gyfer Ymchwiliad Cyhoeddus COVID-19.</p> <p>Cyflwynodd JE yr adroddiad a nododd yr aelodau:</p> <ul style="list-style-type: none"><li>• Bod PGIAC wedi cadw mewn cysylltiad â Gwasanaethau Cyfreithiol a Risg (L&amp;RS) PCGC mewn perthynas â pharatoi ar gyfer yr Ymchwiliad ers haf 2021 ac ym mis Rhagfyr 2022, cyflogwyd L&amp;RS yn ffurfiol fel ei gynrychiolydd cyfreithiol ar gyfer yr Ymchwiliad,</li></ul>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |



|         |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                    |
|---------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|         | <ul style="list-style-type: none"><li>Nad oedden yn teimlo'i bod yn angenrheidiol nac yn briodol i PGIAC wneud cais am statws Cyfranogwr Craidd mewn perthynas â Modiwlau 1, 2 neu 3, fodd bynnag efallai y bydd gofyn i PGIAC ymateb i ymholiadau ysgrifenedig a/neu ddarparu dogfennau perthnasol i'r Ymchwiliad maes o law; ac</li><li>Ym mis Rhagfyr 2022, dywedodd L&amp;RS wrth PGIAC fod llythyr gan dîm yr Ymchwiliad yn gofyn am wybodaeth yn ymwneud â Modiwl 3 yn anffurfiol yn debygol o ddod i law yn fuan gyda dyddiad cau ar gyfer ymateb ym mis Ionawr 2023 – nid oedd y llythyr wedi dod i law eto ond roedd gwaith wedi dechrau ar ymateb drafft.</li></ul> <p>Penderfynodd yr aelodau:</p> <ul style="list-style-type: none"><li><b>Nodi'r</b> wybodaeth a gyflwynwyd yn yr adroddiad.</li></ul>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |
| JC23/07 | <p><b>2.4 Adolygu Terfynau Ariannol ac Adrodd Derbyniwyd</b> yr adroddiad yn gofyn am i'r terfynau dirprwyo ariannol cynyddol a gyflwynwyd ym mis Mawrth 2020 er mwyn galluogi llywodraethu ariannol effeithiol o ganlyniad i bandemig COVID-19 gael eu cymeradwyo fel y terfynau parhaol newydd.</p> <p>Cyflwynodd JE yr adroddiad a dywedodd ei bod yn bwysig, er mwyn cydymffurfio â darpariaethau Rheolau Sefydlog PGIAC, bod y Rheolau Sefydlog (SOs) a'r Cyfarwyddiadau Ariannol Sefydlog (SFIs) yn cael eu diweddaru er mwyn sicrhau llywodraethu effeithiol ac i gydymffurfio â'r angen am:</p> <ul style="list-style-type: none"><li>I'r Cydbwyllgor gymryd camau priodol i sicrhau ei hun bod yr holl faterion a ddirprwyir yn cael eu cyflawni'n effeithiol, a bod</li><li>Y fframwaith dirprwyo yn cael ei adolygu'n weithredol a, phan y bo'n briodol, yn cael ei ddiweddaru er mwyn cymryd datblygiadau sefydliadol, canfyddiadau adolygiadau neu newidiadau eraill i ystyriaeth.</li></ul> <p>Amlinellodd Stuart Davies (SD) y prif newidiadau a nododd yr aelodau:</p> <ul style="list-style-type: none"><li>bod y newidiadau arfaethedig yn ymgais i sicrhau cydbwysedd rhwng parhau i sicrhau llywodraethu ac atebolrwydd priodol, a chydabod y costau uned sylweddol uwch sy'n gysylltiedig â phecynnau gofal rhai gwasanaethau arbenigol a'r angen iddynt gael eu cymeradwyo ar frys. Mae'r argymhellion yn cydnabod nad oes llawer o ddisgresiwn yn y rhan fwyaf o achosion mewn llawer o'r pecynnau hyn o ystyried mandadau presennol NICE. Er mwyn gwrthbwysu hyn mae'r newidiadau arfaethedig yn cynnwys y gofyniad i gyflwyno adroddiad atebolrwydd newydd i'r Pwyllgor Archwilio a Risg (ARC) ac i'r Cydbwyllgor yn crynhoi'r holl gymeradwyaethau sydd yn uwch na'r terfynau ariannol penodedig,</li><li>bod y gofyniad am gymeradwyaeth y Cydbwyllgor yn cael ei gyflawni gan gamau gweithredu gan Gadeiryddion sy'n gymesur</li></ul> |





|         |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                        |
|---------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|         | <p>â'r arfer a ddefnyddir mewn Byrddau Iechyd o ran materion brys a ffurfioli rhai contractau; a</p> <ul style="list-style-type: none"><li>• bod trafodaeth wedi'i chynnal gyda chydweithwyr cyllid y Byrddau Iechyd ar y dull arfaethedig.</li></ul> <p>Dywedodd yr aelodau eu bod yn cytuno i gymeradwyo'r argymhellion, yn amodol ar drafodaeth bellach gydag Ysgrifenyddion Bwrdd y Byrddau Iechyd.</p> <p>Nododd yr aelodau y byddai'r fframwaith llywodraethu ac atebolrwydd a oedd yn cynnwys y SOs a'r SFIs, gan gynnwys y cynllun dirprwyo wedi'i ddiweddarau a'r matrices ariannol yn cael ei ddwyn yn ôl i'r Cydbwyllgor i'w gymeradwyo ar 14 Mawrth 2023.</p> <p>Penderfynodd yr aelodau:</p> <ul style="list-style-type: none"><li>• <b>Nodi'r</b> adroddiad,</li><li>• <b>Nodi'r</b> rhesymeg dros y cynnydd mewn terfynau dirprwyo ariannol o ganlyniad i bandemig COVID-19,</li><li>• <b>Cymeradwyo'r</b> matrices awdurdodi ariannol wedi'i ddiweddarau, sy'n cynnwys y terfynau dirprwyo ariannol uwch a gyflwynwyd ym mis Mawrth 2020 i alluogi llywodraethu ariannol effeithiol o ganlyniad i COVID-19,</li><li>• <b>Cymeradwyo'r</b> broses wedi'i diweddarau am i'r gofyniad SFI presennol am "gymeradwyaeth" y Cydbwyllgor i achosion digontract uwchlaw terfynau diffiniedig ar gyfer cost flynyddol a chost oes ddisgwyliedig, gael ei ddisodli gan adroddiad sicrwydd i'r Cydbwyllgor a Phwyllgor Archwilio a Risg Bwrdd Iechyd Prifysgol Cwm Taf Morgannwg yn eu hysbysu am bob cymeradwyaeth sy'n uwch na'r terfyn diffiniedig a chatau gweithredu'r Cadeirydd i adlewyrchu'r angen am gamau cymeradwyo amserol, yn amodol ar drafodaeth bellach ag Ysgrifenyddion Bwrdd y Byrddau Iechyd,</li><li>• <b>Nodi</b> y bydd y Cyfarwyddiadau Ariannol Sefydlog (SFIs), a'r cynllun dirprwyo yn cael eu diweddarau i adlewyrchu'r newidiadau; a</li><li>• <b>Nodi</b> y bydd y cynllun dirprwyo wedi'i ddiweddarau a'r matrices ariannol yn cael eu hatodi i'r SFI's er cyflawnrwydd.</li></ul> |
| JC23/08 | <p><b>3.1 Dyddiad ac Amser y Cyfarfod Nesaf sydd wedi'i Drefnu</b></p> <p>Nododd y Cydbwyllgor y cynhelir y cyfarfod nesaf sydd wedi'i drefnu am 13.30 ar 17 Ionawr 2023.</p> <p>Gan nad oedd unrhyw fater arall daethpwyd â'r cyfarfod i ben.</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     |



**Llofnod y Cadeirydd: .....**

**Dyddiad:**

CADARNHAWNYD